

大明會典

大明會典卷之一百九十五

工部十五

顏料

洪武二十六年定。凡合用顏料。專設顏料局掌
管。淘洗青綠。將見在甲字庫石礦按月計料支
出。淘洗分作等第進納。若燒造銀硃。用水銀黃
丹。用黑鉛俱一體按月支料。燒煉完備。逐月差
匠進赴甲字庫收貯。如果各色物料缺少。定奪
奏聞。行移出產去處採取。或給價收買。鈔法紫
粉所用數多。止用蛤粉。蘇木。漆造。時常預為行
下。本局多為備辦用度。如缺蛤粉。一體收買。

黑鉛一斤燒造黃丹一斤五錢三分三釐

水銀一斤燒造銀硃一十四兩八分三釐三

兩五錢二分

次青礞石礪一斤淘造淨青礞一十一兩四

錢三分

暗色礞石礪一斤淘造淨石礞一十兩八錢

七分六釐

蛤粉一斤染造紫粉一斤一兩六錢

硃砂一斤燒造硃砂礞一十五兩五錢

凡修建顏料舊例內外

宮殿公廨房屋該用青碌顏料俱先行

內府甲字等庫關支不足方派各司府○嘉靖三十
十六年以大工題行雲南採解買辦

凡寶色尚寶司每年該銀硃九十斤行內庫關
支正德十二年加硃三十斤派行四川收買涪
州水花銀硃一百二十斤解部轉發器皿廠淘
洗送用○嘉靖三十六年題准以後動支節慎
庫料銀照數召買淘洗送用每歲該銀六十三
兩六錢

凡各衙門年例印色工部題行順天府宛大二

縣買辦

宗人府紫粉一十二斤。銀硃二斤四兩

左軍都督府紫粉二十四斤

右軍都督府紫粉一十八斤

中軍都督府紫粉二十四斤

前軍都督府紫粉一十八斤

後軍都督府紫粉三十六斤。白芨一十斤十

四兩五錢

吏部紫粉一十二斤。銀硃三斤。白芨二斤

戶部紫粉二十四斤。二硃三斤。白芨六斤

禮部紫粉一十八斤

兵部紫粉一十二斤。銀硃三斤。白芨二斤

刑部紫粉一十斤。銀硃四斤。白芨二斤

工部紫粉一十八斤。二硃二斤。白芨四斤

都察院紫粉二十斤。銀硃四斤。白芨一斤

通政司紫粉二十四斤

大理寺紫粉一十斤。銀硃二斤。白芨一斤

吏科二硃一斤一兩三錢三分三釐

戶科二硃一斤十兩

禮科二硃一斤十兩

兵科。二硃二斤三兩

刑科。二硃二斤

工科。二硃一斤八兩

凡禁令。洪武年間

聖旨。如今營造合用顏料。但是出產去處。使著有司
借倩人夫。採取來用。若不係出產去處。著百姓
怎麼辦。那當該官吏。又不明白具奏。只指著朝
廷名色。以一科百。以十科千。百般苦害百姓。似
這等無理害民官吏。拏來都全家廢了。不饒。若
那地面。本出產。却奏說無。以後著人採取得有。

時那官吏也不饒。雖是出產去處。也須量着人的氣力採辦。似這等百姓也不艱難生受。官民兩便。若有司家因而生事擾害他的。拏來全家廢了不饒。○永樂二十二年

聖旨。古者土賦。隨地所產。不強其所無。比年如丹漆石青之類。所司更不究產物之地。一槩下郡縣徵之。逼迫小民。鳩歛金幣。詣京師博易輸納。而商販之徒。乘時射利物價。騰踴數十倍。加不肖官吏。夤緣為奸。計其所費。朝廷得其千百之什一。其餘悉肥下人。今宜切戒此弊。凡合用之物。

必於出產之地計直市之。若仍蹈故習。槩科派以毒民者。必誅不宥。○成化二年。令內官監促辦累年未納物料。急用者。以官銀收買。不急者停止。

紙劄

洪武二十六年定。凡每歲印造茶鹽引由契本鹽糧勘合等項。合用紙劄。著令有司抄解。其合用之數。如庫缺少。定奪奏聞。行移各司府州。照依上年紙數抄造解納。如遇起解到部。隨即辨驗。堪中如法。差人進赴乙字庫收貯聽用。

產紙地方分派遣解額數

陝西十五萬張

湖廣十七萬張

山西十萬張

山東五萬五千張

福建四萬張

北平十萬張

浙江二十五萬張

江西二十萬張

河南五萬五千張

直隸三十八萬張

凡各處進到紙劄。宣德七年。令不依原式。及水濕不堪者。本部行移本處抄來。陪補原數。○九年。以福建進到紙劄。不合原式。及蠹薄不堪。令按察司治提調官罪。

凡合用鹽引。勘合等項紙劄。宣德九年。俱令商人納價收買。各省免派。

凡乙字庫各色供應紙張。缺乏。工部召買多寡不等。或量派出產地方抄解。不拘年例。

凡白榜紙。高四尺四寸。闊四尺。十年一次題派。

各省辦送一百二十萬張貯乙字庫或遇缺乏
召買隨行龍漚紙代納以尺寸不如式每白榜
紙百張價銀一兩隨行紙嘉靖十六年估定百
張價銀四錢

凡本部公用各色紙劄每年三十一萬四千九
百五張行都察院見收囚人紙內四季關領應
用年終題知其歲用白榜紙永樂間題准坐派
安慶府額辦一萬六千八百張遇閏加派一千
四百張解部

凡寶鈔司年例抄造供用草紙七十二萬張

御用監成造香事草紙一萬五千張。共七十三萬
五千張。合用石灰木炭鐵器木植等料。俱工部
派辦。

大明會典卷之一百九十六

工部十六

都水清吏司

郎中員外郎主事分掌川瀆陂池橋道舟車織造衡量之事

內一員提督清江浦造船隆慶六年加設

河渠

運道

國初都金陵則漕於江其餉遼遠猶漕於海自永樂都燕後歲沿東南四百萬石由江涉高寶諸湖絕淮入河經會通河出衛河白河溯大通河以達於京師諸洪泉壩閘以次修舉至於今鐵

悉具備。故並載焉。

大通河

大通河。即潞河。舊為通惠河。其源出昌平州白浮村神山泉。過榆河。會一畝馬眼諸泉。匯為七里灤。東貫都城。由大通橋而下。至通州高麗莊。入白河。長一百六十餘里。元初所鑿。賜名通惠。每十里為一閘。蓄水通舟。以免漕運陸輓之勞。國朝永樂以來。諸閘猶多存者。仍設官夫守視。然不以轉漕。河流漸淤。成化正德間。累

命䟽之。功不果就。嘉靖六年。遣漕運總兵錦衣衛都

指揮及御史會濬之。自大通橋起至通州石壩四十里。地勢高下四丈。中間設慶豐等五閘以蓄水。每閘各設官吏共編夫一百八十名。每名工食銀八兩造剝船三百隻。每隻價銀三十五兩分置各閘。責經紀領之。使製布囊盛米。雇役遞相轉輸。軍民稱便。

白河

白河南去通州二百里。其源出胡地。經密雲縣合大通榆渾諸河。凡三百六十里。至直沽會衛河入海。源遠流迅。河皆溜沙。每夏秋暴漲。最易

衝決。每決輒發丁夫修築。屢築屢決。正統三年。命官相視地勢。自河西務徑二十里。改鑿順下。河遂安流。每淤淺處。設鋪舍置夫甲。專管挑濬。舟過則招呼。使避淺而行。自此而南。運河淺鋪。以次而設。

衛河

衛河。舊名御河。源出河南輝縣之蘇門山。東北流。會淇漳諸水。過臨漳。分為二。其一北出。經大名至武邑。以入滹沱。其一東流。經大名東北出臨清。至直沽。會白河入海。長二千餘里。今為運

河自臨清至直沽凡五衛十此河自德州而下
漸與海近。河狹地卑。易於衝決。每決輒發丁夫
修治。嘉靖十三年議准。恩縣東光滄州興濟四
處各建減水閘一座。以洩漲溢之水。

會通河

會通河。自臨清迤南至濟寧州。元初由任城即
濟寧開渠至安民山即安一百五十里。復自安民
山之西南開渠。由壽張西北至東昌。又西北至
臨清。凡二百五十里。引汶絕濟。直歸漳衛。洪武
二十四年。河決原武縣黑陽山。由舊曹州鄆城

縣兩河口。漫過安山湖。而會通漸淤。永樂九年。因海運艱阻。遣尚書都督等官疏鑿元人故道。乃於東平州戴村汶水入海處築一土壩。橫亘五里。遏汶水使西流。盡出南旺分流。四分往南。接濟徐呂。六分往北。以達臨清。自後添設新閘。修築舊岸。大為漕運之利。自臨清抵徐州七百

諸水接運。總曰開河。昔為開四十有三。前元建者二十餘。永樂以來。先後增建者二十餘。而減水通河諸閘。不與焉。兩閘之間。每存稍淺一處。約數丈。多不遇十餘丈。用留洩水。今積易盈。今建設改革益多。凡開壩條下。

汶河

汶河。一出新泰縣宮山之下。曰小汶河。一出泰安州仙臺嶺。一出萊蕪縣原山。一出縣寨子村。俱至州之靜封鎮。合流曰大汶河。出徂徠山之陽。而小汶來會。經寧陽縣北堽城。歷汶上東平東阿。又東北流入海。元於堽城之左築壩。遏汶入洸。南流至濟寧。合沂泗二水。以達于淮。自永樂間築戴村壩。汶水盡出南旺。於是洸沂泗自會濟。而汶不復通洸。今沂州亦有汶河。一出蒙山東澗谷。一出沂水縣南山谷。俱入邳州淮河。

洸河

洸河乃汶水之支流。出寧陽縣北三十里埧城。西南流。又循縣南流三十里會寧陽諸泉。又六十里經濟寧城。東與泗合。出天井閘河。

沂河

沂河源出曲阜縣尼山西南。分流為二。一西流至金口壩上。即與泗會。一南流亦與泗會出港里河。又有出沂水縣艾山者。會蒙陰沂水諸泉。與沂山之汶合流。至邳州入淮。

泗河

泗河源出泗水縣陪尾山。四泉並發。西流至兗

州府城東又南流經橫河與沂水合。元時於兗州東門外五里金口作壩建閘。遇泗之南趨國朝因而修築。每夏秋水長則啓閘。放使南流。會沂水。由壩里河出師家莊閘。冬春水微則閉閘。今由黑風口東經兗城入濟。又南流會泲水。至濟寧出天井閘。

濟河

濟河出王屋山。至河南濟源縣。二源合流。其水或伏或見。東出於陶丘北。又東北會於汶。今在汶上縣北。一名大清河。元人作金口壩。傍有河

風口即黑西通濟流並入會通河

沁河

沁河出山西沁源縣綿山東谷由太行山麓至河南原武縣黑陽山與河汴合流至徐州入運河以濟徐呂二洪每年水勢淺深尺寸管洪官按季奏報前代嘗引沁以通衛正統以前其支流猶自武陟山原村東北由紅荊口經衛輝凡六十里與衛通天順七年河趨陳潁入淮乃開沁以達徐復引河以合泗而入衛之故道始湮

南陽新河

新河在昭陽湖之東起南陽至留城一百四十里八十八步嘉靖六年以河決。

命官開濬垂成而止四十四年復決乃因舊跡疏鑿。

又起留城至境山濬復舊河五十三里凡役夫九萬一千有奇八閘月而成隆慶元年山水衝

決復淤新河之三河口

薛河沙河起牛清會此故名

乃經理

沙薛上派各開支派築黃家口多裏溝等壩引

薛河由呂孟湖出地浜溝築宋家壩引沙河由

尹家湖出鮎魚口築黃甫壩引沙河由滿家湖

入南陽湖次年工成又為三河口石壩一座南

陽湖石堤三十餘里。凡建閘九。築壩十三。減水閘二十。開支河九十六里。三年。又於昭陽湖以東。沙薛二水所從入舊河處。開鴻溝廢渠。達李家口。回回墓。而東出留城閘。計六十餘里。積水俱有宣洩。滕沛利之。

黃河

徐呂二洪 羊山新河附

黃河發源詳載元史。其流合陝西山西諸水而始大。至河南始散漫泛溢。至山東勢益峻急。衝決無常。洪武二十四年。決原武。淤安山。正統十三年。河溢滎陽縣。自開封府城北經曹濮二州。

陽穀縣以入運河。至兗州府沙灣之東。決大洪口。諸水從之入海。景泰四年。

命官塞之。乃更作九堰八閘以制水勢。復於開封府

金龍口

即荊隆口

筒瓦廂等處開渠二十里引河水

東北入運河。弘治二年。復決金龍口。東北至張秋鎮。入運河。而紅荊口并陳留通許二縣俱淤淺。

命官治之。五年復決。未幾又決張秋。運河水從以入海。運舟甚艱。

命內臣及文武官往治。發丁夫數萬於黃陵岡南濬

賈魯河一帶分殺水勢。下由梁靖口至丁家道口。會黃河出徐州。流入運河。又從黃河南濬孫家渡口。別開新河一道。導水南行。由中牟至潁州。東入於淮。又濬四府營淤河。由陳留縣至歸德州。分為二派。一由宿遷縣小河口。一由亳縣渦河會於淮。又從黃陵岡至楊家口。築壩堰十餘。并築大名府三尖口等處長堤二百餘里。及修南岸于家店筒瓦廂等處堤一百六十里。始塞張秋缺口。更名曰安平鎮。又於河東置減水石壩。分五洞以洩水勢。令管河官隨時修治。正

德四年。溢皮狐營。決曹縣之溫家口。馮家口等處。又北徙至儀封縣小宋集。而決衝黃陵岡埽壩。溢入賈魯河。敗張家口等處縷水小堤。循運河大堤東南行。而賈魯河下流淤塞。亦出張家口。合而南注。遂決楊家口。道曹單二縣城下。直趨豐沛。

命官塞之。十二年。溢武城縣。壞城廓田廬。

命官修濬。嘉靖五年。上流驟溢。東北至沛縣廟道口。截運河。注雞鳴臺口。入昭陽湖。汶泗南下之水。從而東。而河之出飛雲橋者。漫而北。泥沙填淤。

亘數十里。管河官力濬之。僅通舟楫。六年復塞。
老和尚寺八里屯張家莊等處。

命官發丁夫數萬於昭陽湖東北起汪家口南抵留
城口。改鑿新河以避黃河衝塞之患。尋以災異
罷役。

命官即故道濬之。修築單縣林臺至沛縣舊城隄百
四十餘里。以塞入湖之道。又濬趙皮寨孫家渡
口。殺上流之勢。沛漕復通。九年。自沛北徙橫流
金鄉魚臺出穀亭口。

命官濬趙皮寨抵寧陵故道。及築睢州張見口。至歸

德州長隄百餘里。以禦泛漲。尋以河流改遷。罷役。十四年。築岔河口縷水堤一道。長三里。又於曹縣八里灣。抵單縣侯家林。築長隄八十里。十六年。鑿地丘店野雞岡等上流支河四十餘里。十九年。濬睢州孫繼口。至丁家道口。淤河五十里。二十一年。又鑿野雞岡上流李景高等口支河三。導河東注。以濟二洪。二十四年。由野雞岡決而南。至泗州。合淮入海。遂溢蒙城五河臨淮等縣。二十五年。又決曹縣。溢入武城金鄉魚臺單縣。漂溺甚衆。

命總理河道都御史會同南北直隸山東河南撫按
官議築曹縣等處。不果。三十一年。又決房村。至
曲頭集。凡決四處。淤四十餘里。

命官濬之。役夫五萬餘。三閱月而成。三十七年。淤新
集。趨段家口。析為六支。入運河。又由礪山趨郭
貫樓。析為五支。出小浮橋。會徐州洪。四十四年。
郭貫樓淤。遂決華山。出飛雲橋。截沛以入昭陽
湖。北泛胡陵城。孟陽泊至穀亭。南溢於徐。

命官往治。乃接六年所鑿故跡。役夫濬之。為南陽新
河。又疏舊河。自留城至境山。又堤馬家橋。遏河。

流之出飛雲橋者使盡歸秦溝魚沛橫流始絕
惟茶城時有淺阻隆慶四年又決邳州注睢寧
出小河口自曹家口至直河淤百餘里

命官濬之復故渠盡塞諸決口六年築堤自徐沛至
宿遷三百七十里萬曆元年茶城復淤修建境
山閘并護房村等處堤岸及築遙堤四年開草
灣導河自安東縣後至金城五港入海然汎濫
如故曹豐徐沛之間隨塞隨決五年秦溝復淤
自崔家口歷北陳鴈門集等處至九里山出小
浮橋其一支自九里溝誼安山歷符離出小河

口。而崔鎮大決。散漫湖泊間。桃源以下。故渠多淺。六年。

命官修治。乃議塞崔鎮口。因築遙堤。束水衝沙。其南岸自三山頭至李字鋪。長二萬八千五百五十八丈。又自歸仁集築橫堤。至孫家灣。長七千六百八十餘丈。又於桃源縣馬廠坡築堤。長七百四十丈。以遏南奔入淮之勢。其北岸自谷山至直河。長九千四百六十四丈。又自古城至清河。長一萬八千四百十丈。建崔鎮等滾水石壩四座。以緩泛溢之水。使不能潰堤而出。河流乃安。

徐州洪在徐州為運河要害。亂石峭立。凡百餘步。故又名百步洪。成化四年。

命官鑿石以利舟楫。又甃石路長一百三十餘丈。以便牽挽。二十年。置石壩長八十丈。遇有損壞。管河官隨時修築。嘉靖二十年。於洪下置石閘一座。

呂梁洪在徐州東南六十里。有上下二洪相距七里。亦運河要害。成化八年。

命官甃二石堤。共長七十餘丈。十六年。

命官築石壩長一百六十五丈。復於壩西築堤二十

餘丈。洪東甃石路四百二十丈。遇有損壞。管河官隨時修築。嘉靖二十年。於洪下置石閘一座。羊山新河。萬曆十一年。議准由昭靈祠南黃河出口。歷羊山內華山梁山。接境山開河。置閘以避咸港之溜。

淮安運道

自漢以來。即有高家堰在淮安之東南。永樂間。通淮河為運道。築堤堰上。以防淮水東侵。又自府北鑿河。蓄諸湖水。南接清口。凡六十里。曰清江浦。乃運船由江入淮之道。建清江等閘。遞互。

啓閉。又築土壩以遏水勢。後開壩禁弛。河渠淤塞。嘉靖八年。疏治復舊。隆慶中。高家堰廢。淮水由黃浦口決入。漫衍民田。萬曆四年。開草灣河。渠長六十二里。分殺黃河以緩清口之衝。七年。復築高堰。起新莊至越城。長一萬八百七十餘丈。堰成。淮水復由清口會黃河入海。而黃浦不復衝決。又以通濟閘逼近淮河舊址塌損。改建於甘羅城北。仍改濬河口。斜向西南。使黃水不得直射。因廢拆新莊閘。又改福興閘於壽州廠適中處所。其清江板閘照舊增修。又議修復五

壩。惟信字壩久廢不用。禮智二壩加築。仍舊車
盤船隻。仁義二壩與清江閘相鄰。恐有衝漫。移
築天妃閘內。八年用石包砌高堰。九年又於府
城南運河之旁。自窯灣楊家澗。歷武家墩。開新
河一道。長四十五里。曰永濟河。因置三閘。以備
清浦之險。十一年。建清江浦外河石堤。長二里。
磯嘴七座。又建西橋石堤。長九十八丈。以禦淮
黃之衝。

揚州高寶運道

自清口引淮為清江浦。至烏沙河。漚管家白馬

二湖堤黃浦八淺及寶應縣槐角樓南。該湖相接西抵泗州盱眙縣界。皆運道所經。湖東有堤長三十餘里。洪武九年用板修高家潭等處。成化二十一年造石堤。漸修至二十餘里。其南高郵邵伯等湖。皆有石堤。連船鰲堤。往往敗溺。弘治三年。

命官於高郵河迤東開新河以避其險。曰康濟河。中為圈田。南北置閘。以時啓閉。兩岸俱甃以石。嘉靖五年題准。於汜光湖東傍舊堤開新河。長三十里。遂棄康濟河。又自寶應至界首。凡有溝可

通注於海者造平水閘十座。十年。又自寶應湖東築月堰長二十一里。萬曆五年。淮水由黃浦口決入。石堤多壞。七年。

命官修築。倭建減水閘四座。加高閘石九座。自是寶應諸湖堤岸相接。十二年。題准於石堤之東。傍堤開新河三十餘里。以避槐角樓一帶之險。曰弘濟河。

儀真瓜洲運道

儀真上下江口。及瓜洲便河。皆由江達淮運道襟喉。宋時儀真嘗建三閘。洪武中。卽其地築爲

壩。弘治元年始建東關羅泗二閘。十二年復於濱江建攔潮閘。嘉靖五年題准潮長開閘放船潮退盤壩不許候開。延久萬曆四年於朱輝港鑄匙河清江等處各開河以便停泊。

瓜洲江口舊建土壩。江北糧船空回撒壩以出。而江南重船反令盤壩搬剝艱難。風濤守候。隆慶六年題准自時家洲以達花園港開渠六里有奇。建瓜洲通江閘二座。自此漕艘始免車盤之苦。萬曆四年於瓜洲開港塢以泊運船。

海道

元時海道自平江劉家港入海。經通州海門縣黃連沙嘴萬里長灘。開洋沿山嶼抵淮安路鹽城縣。歷海寧府東海縣。又經密州膠州界。放靈山洋。按東北行。路多淺沙。旬月始抵成山。計自上海至直沽楊村馬頭。凡一萬三千三百五十里。其後再變自劉家港出揚子江。開洋落潮東北行。離萬里長灘。至白水綠水。經黑水大洋。轉成山。西行過劉家島。入沙門島。放萊州大洋。抵界河。至直沽。其道差直。三變自劉家港入海。至崇明三沙放洋。向東行。入黑水大洋。直取成山。

轉西至劉家島入沙門放菜川大洋至直沽如遇風順由浙西至京師不過旬月而已其道徑便。

國初海運猶仍元舊。自會通河成。報罷。嘉靖中。尋膠萊故道。燒鑿馬家壩十五里。達于麻灣。隆慶五年。議因其故開新河。令江南之糧由淮安清江浦口。歷新壩口。馬家壩。麻灣口。海滄口。徑抵直沽天津。止一千六百里。半從河行。其海行者。止由海套。不泛海洋。惟馬家壩分水嶺二處。開鑿為難。遣科官勘報。竟以無源水多沙磧而止。

大明會典卷之一百九十七

工部十七

湖泉

湖泉之水導引蓄洩皆以濟漕為運道所關徐沛山東諸湖在運河東者儲泉以益河之不足曰水櫃在運河西者分派以洩河之有餘曰斗門而淮揚諸湖即為運道其山東新舊各泉可引以濟漕者派分為五入汶者為分水派入泗沂濟及天井開漕河者為天井派入白馬河及

南陽棗林魯橋閘河者為魯橋派。入南陽新河者為新河派。即沙河派。入邳州河者為邳州派。今備載焉。

安山湖在東平州。週圍八十三里零一百二十步。舊有二閘。底高於河。水不能入。湖之下口無閘。水不能出。嘉靖六年。止於湖中築堤十餘里。而湖益狹。後乃漸復焉。

南旺湖在濟寧州。週圍一百五十餘里。漕渠貫其中。西岸為南旺西湖。東岸為南旺東湖。汶水自東北來。界分東湖為二。二湖之下北為馬踏。

湖。又北為伍莊湖。南為蜀山湖。又南為馬場湖。各湖通連無間。凡與西湖盡處相對者。即為東湖。東西湖中為長堤二。西堤設斗門。為減水閘。十有八。隨時啓閉。以濟運河。遇有淤淺。隨時挑濬。每二年一大挑。隆慶中。閘尚壯。月河二十里有許。以便大挑。北至王家窪。南出尹家窪。稍北里餘。各建通河大閘一座。

馬場湖週圍四十里。舊有堤壩與運河相通。河水稍盈。即洩入湖。每致淺涸。嘉靖十四年築堤長六十里。內外各植柳以護之。更置減水閘五

座。運河易盈。湖水亦有蓄洩。

蒲灣泊武家湖。在汶上縣。

南陽湖。在魚臺。即獨山坡。滙為湖。週圍七十六里。引沙河經其中。入新河。

昭陽大湖。長十八里。小湖長十二里。二湖相連。北屬滕。南屬沛。週圍八十餘里。納諸縣水。湖口置石閘。放水入薛河。由金溝口。以達舊運河。後以河決棄。沽頭於湖東開新河。則南陽在東。昭陽在西。去黃水益遠。運河乃安。

赤山湖。微山湖。呂孟湖。張莊湖。四湖相連。長八

十里。在徐州。引薛河出地。浜溝入新河。

蛤蟆湖長二十里。連汪湖長一十五里。周湖長一十里。柳湖長一十五里。在邳州。

落馬湖長六十里。茅茨湖長六十里。黃墩湖長二十里。侍丘湖長三十里。倉基湖長三十里。埠子湖長八十里。在宿遷縣。

大莊湖長十里。崔鎮湖長三十里。在桃源縣。

杜村湖長十里。萬家湖長十里。在清河縣。

管家湖在淮安府城西門外。舊有堤。永樂十四

年。

命官於湖中築長堤。以便運舟。隨時修築。

白馬湖長三里。汜光湖。即寶應湖。長三十里。界首湖。即津湖。長三里。在寶應縣。新開湖。長三十里。在高郵州。邵伯湖。長十八里。在江都縣。諸湖延袤高寶。以抵揚州。上下相接。

以上諸湖

東平州泉十四

舊九。新五。

安園泉

吳家泉

張胡郎泉

小黃泉

新

大黃泉

新

王老溝泉

席橋泉

淨泉新

源泉新

冽泉

杷頭泉

獨山泉

鐵鈎紫泉

坎河泉入汶

舊有徐家莊灰崖三泉今廢

汶上縣泉三

舊二新一

龍關泉

樂當山泉

雞爪泉

新。供入汶

舊有馬莊泉。今廢

平陰縣泉一舊

柳溝泉 入汶

滋陽縣泉八 舊四。新四。

東北新泉 關黨泉

古溝泉 新 負假泉

上蔣詡泉 新 下蔣詡泉 新

西北新泉 驛後新泉 新。俱入濟

鄒縣泉十二 舊八。新四。

鱗眼泉 程家莊泉 新

孟母泉 陳家溝泉

白馬泉 岡山泉

黃港溝泉 新

淵源泉

柳青泉

馬山泉 新

勝水泉

所。俱。入。白。馬。河。

三角灣泉

入。曹。楊。河。

萬。有。白。莊。泉。人。修。

曲阜縣泉二十 卷。十。七。新。三。

橫溝泉

埠下泉

新安泉

變巧泉

俱。入。泗。

青泥泉

柳青泉

車欄泉

達泉

茶泉

雙泉

曲水詠歸泉

溫泉

連珠泉

新泉

曲溝泉

濯纓泉

鄒村泉

新

文水泉

新

柳莊泉

新。誤入沂

蜈蚣泉

會。蟠。眠。泉。入。白。馬。河。

舊有。縣。廢。泉。今。廢。

泗水縣泉五十三

舊二十。新二十三。

趵突泉

珍珠泉

洵廩泉

黑虎泉

四。泉。俱。出。陪。尾。山。林。泉。寺。左。會。

為。泗。源。

繁星泉

白石泉 新

蓮花泉

新開泉 新

響水泉

紅石泉

甘露泉

七泉在林泉寺南寺前尖等泉入泗

下莊泉

三台泉 新

湧珠泉

石露泉 新

甘露新泉

新

奎聚泉

新

琵琶泉

新。七泉俱會於尖等泉入泗

潘波舊泉

潘波新泉

新

黃陰泉

吳家泉

杜家泉

曹家泉

蔣家泉

里溝溝泉新

石井泉

鮑村泉

合德泉

趙家泉

龜陰泉

龜眼泉新

龜尾泉

東巖石縫泉

珍珠泉

在縣東南尚
新社

黃溝泉

岳陵泉

石河泉

壁溝泉

小玉溝泉

大玉溝泉

蘆城泉

西巖石縫泉

三角灣泉

雪花泉

新

新開第二泉

新

天井泉

新

醴泉

新

醴前泉

新

七里溝泉

新

馬莊泉

新

馬跑泉

新

魏莊泉

新。俱入泗

滕縣泉十八

舊一五。新三

北石橋泉

三里橋泉

大烏泉

絞溝泉

趙溝泉

荆溝泉

釣突泉

劉家溝泉新

南石橋泉

玉花泉

魏家莊泉新

三山泉

黃溝泉

白山泉新

溫水泉

黃家溝泉俱轉入南陽新河

三界灣泉

龍灣泉二泉挑入新河

嶧縣泉五舊三。新二

許有泉

溫水泉

搬井泉

新。俱轉入南陽新河

許池泉

龍王泉

新。俱入邳州河

寧陽縣泉十二 舊

龍魚泉

龍港溝泉

魯姑泉

灤當泉

俱入汶

蛇眼泉

會諸泉入汶河經此泉出天井關

張家泉

井泉

三里溝泉

古泉

柳泉

俱會蛇眼等泉入潛河

金馬莊泉

古城泉

俱入潛河

魚臺縣泉十四

舊五。新九

東龍泉

平山泉

古泉

新

廉家潭泉

新

西龍泉

聖母泉

新

黃良泉

廟前泉

滕家泉

新

河頭泉

新

高家東泉

新

高家西泉

新

陳家泉

新

中溢泉

新。俱入南陽新河

濟寧州泉三

舊

蘆溝泉

入南陽開河

拓基泉

入東林開河

馬陵泉

入魯橋開河

泰安州泉三十八

舊三十五。新三

板橋灣泉

皂泥溝泉

鯉魚溝泉

范家灣泉

鐵佛堂泉

清泉

周家灣泉

風雨泉

馬兒溝泉

梁子溝泉

新

木頭溝泉

龍灣泉

張家泉

梁家莊泉

上泉

馬蹄溝泉

臭泉

朔港溝泉

水磨泉

狗跑泉

報恩泉

陷濟泉

胡家港泉

馬黃溝泉

龍王泉

濁河泉

斜溝泉

羊舍泉

顏謝泉

北滾泉

順河泉

韓家莊泉

新

力溝泉

東柳泉

神泉

新

西柳泉

龍堂泉

水波泉

俱不流

新泰縣泉十四

舊十二。新二

南陳泉

魏家泉

南師家泉

名公泉新

張家泉

公家莊泉

孫村泉

西周泉

名灣泉新

和莊泉

西都泉

古河泉

劉杜泉

靈查泉俱入汶

舊有北鮑泉及北流泉萬歲泉今廢

肥城縣泉九舊五。新四

清泉

拖車泉新

鹽河泉

董家泉 新

臧家泉

吳家泉

王家泉

開河泉 新

馬房泉 新。俱入汝

萊蕪縣泉十六 舊十一。新五

小龍灣泉

湖眼泉

蓮花池泉

郭娘泉

牛王泉

鵬山泉

烏江岸泉

鎮里泉

趙家莊泉

王家溝泉

半壁店泉

海眼泉

雪家莊泉新

水河泉新

魚池泉新

新興泉新。俱人汶

蒙陰縣

舊有泉河。唯德化亭峪言橋下泉莊五泉。俱入邳州河。今廢。

沂水縣

舊有單家銅井芙蓉上泉。盆泉。灰泉。大泉。小水。雪王臺龍王堂共十泉。俱入邳州河。今廢。

以上諸泉

開壩

宛平縣 開五

青龍閘

白石閘

廣源閘

高梁閘

澄清閘

大興縣 開三

慶豐閘

平津上下二閘

通州 開五。壩一

普濟閘

南普閘

土橋閘

廣利閘

通流閘

石壩

舊晉濟通源。俱有上下二閘。今各廢其

臨清州

閘五

南板閘

新閘上閘

沙灣減水閘

潘官屯減水閘

觀音薈減水小閘

舊有會通臨清一閘。今廢

清平縣

閘三

戴家灣閘

李家口減水閘

魏家灣減水閘

堂邑縣

閘四

梁家鄉閘

土橋閘

土橋進水閘

新開口進水閘

舊有土城中閘二減水閘。今廢

博平縣

閘五

第一至第五減水閘

舊有老堤頭北減水閘。今廢

聊城縣

閘十

通濟橋閘

李海務閘

周家店閘

龍灣西柳行二進水閘

官窯口裴家口方家口李家口耿家口五減

水閘

陽穀縣

閘六

七級上下二閘

阿城上下二閘

荊門上下二閘

寧陽縣

閘二

洸河東西二閘

嘉靖六年建

舊有堰城石壩堰城閘今廢

滋陽縣

閘一。壩一

金口閘

金口石壩

成化八年。因元舊易為石

洪

舊有土壘杏林二閘今廢

鄒縣

舊有港里積水閘小閘今廢

東阿縣閘一

通源閘

壽張縣閘一。壩一。堰一

沙灣積水閘

師家壩

野豬腦堰

東平州閘七。壩二

戴村閘舊

戴家廟閘嘉靖十九年

安山閘

成化十二年建

靳家口閘

嘉靖四年建

袁家口閘

安山湖東西二小閘

戴村壩

坎河口堤壩

舊有魚營減水閘今廢

汶上縣

閘十六

開河閘

南旺上下二閘

寺前鋪閘

界首石口二積水閘舊

焦樂張全劉玄彭秀孔家邢家常家口閘家

口李泰口田家口十減水閘

鉅野縣

閘一壩一

長溝減水閘

嘉靖十年建

蓬子山壩

濟寧州

閘十四

天井閘

在城閘

趙村閘

石佛閘

新店閘

新閘

六閘俱因元舊嘉靖間重修

仲家淺閘

宣德四年建

師家莊閘

魯橋閘

二閘永樂間建

上新閘

中新閘

下新閘

三閘俱成化十年建

棗林閘

永樂間建

四里灣減水閘

舊有分水閘。廣運上下二閘。永通上閘。耐牢城閘。官村閘。吳泰閘。片玉閘。碎玉閘。今

廢

濟寧衛

開四

永通減水閘

五里營平水閘

十里鋪平水閘

安居平水閘

魚臺縣

開十六。壩一

南陽閘

宣德二年建

利建閘

即宋家口。開。隆慶元年建

新河十四減水閘

嘉靖四十五年建

蘇家壩

舊有穀亭八里灣硯瓦溝陽城湖泥河五

閘。今廢

滕縣

開一。壩五

佃戶屯減水閘

東邵壩

王家口壩

身裡壩

宋家壩

黃甫壩

以上開壩俱隆慶二年建築

沛縣

開七壩三

珠梅閘

楊莊閘

夏鎮閘

滿家閘

西柳莊閘

馬家橋閘

留城閘

以上七閘俱隆慶元年。以舊河蓋陽泊沽頭上中下胡陵城廟道口射溝

七口。改建

沙河口壩

隆慶元年

薛河口石壩

隆慶二年

懽城壩

嘉靖四十五年築

徐州

舊有新興兩。金溝口飛雲橋。距馬臺。形陽湖中東西六積水。開。今廢。開四。壩二。

黃家開

天順三年建

梁境開

即境山舊開。嘉。曆二年復。

內華開

古洪開

二開。嘉。曆十一年建。

徐州洪石壩

呂梁洪石壩

舊有徐州洪開。呂梁洪上下二開。今廢。

邳州

開一

匙頭灣減水開

萬曆八年建

桃源縣

開一。壩四。

馬廠坡減水閘 萬曆八年建

崔鎮徐昇季太三義四減水石壩 萬曆七年築遙堤建

清河縣 開一。管一

通濟閘 嘉靖中建。萬曆七年。改建甘羅減出

壩。題准每年六月初旬水深。築壩。至九月初旬水落。開壩行舟。

天妃壩 萬曆七年建

舊有新莊閘。天妃閘。萬曆七年。俱廢。

山陽縣 開七。壩六。堤一

福興閘 萬曆七年。改 清江閘

板閘 建壽州原 龍汪閘

永清閘

窯灣閘

三閘。萬曆十年永清河建。

黃浦減水閘

萬曆二年建。

方家壩

新建壩

仁義禮智四字壩

高家堰石堤

萬曆七年建。

其有移風閣。新城上下二閘。及萬曆元年。建。河。下。河。橋。二。減。水。閘。又有清江東西淮安。臨。湖。南。鎮。五。壩。信。字。蒲。今。俱。廢。

寶應縣

開十三

弘濟河南北二閘

長沙溝減水閘

朱馬灣減水閘

劉家堡減水閘

五閘。俱萬曆十

二年建。

江橋北等八減水閘 嘉靖萬曆年間建

舊有七里溝菜橋口魚兒溝三減水閘。白馬湖七里溝槐角樓凉水壩。今俱廢。

高郵州 屬九壩一

康濟河南北二閘 萬曆四年建

城南河堤三減水閘 嘉靖中建

新中堤四減水閘 萬曆五年建

蛤蜊壩

舊有觀橋上下二閘。車邏王琴二減水閘。

江都縣 開下六壩十一

廣惠閘

通惠閘 二開。隆慶六年。

邵伯九減水閘

芒稻河減水閘

萬曆十一年建

沙壩商家馬家渡南潭四平水閘

萬曆元年建

瓜洲十壩

舊十一

灣頭滾水壩

儀真縣

開四壩六

舊有制宗上下通江新開大同油家大橋江口留制北開及新壩等十一減水閘邵伯小壩湯子橋古壩大洲減水壩雷公上下二壩小新壩句成塘今俱廢

嚮水閘

通濟閘

羅泗閘

一名臨江閘

攔潮閘

一壩至五壩

新壩

舊有清江等八閘東河口閘及東門新高橋二減水閘劉塘茅家山北山陳公四壩

蔣家溝張家溝二減水埭。今俱廢。

丹徒縣

開一

犢山開

萬曆十一年建

丹陽縣

開一

黃泥壩開

萬曆十一年建。以上二開。俱為挑復練湖故。

大明會典卷之一百九十七